

四庫全書

集部

欽定四庫全書

文苑英華卷五百八十七 宋 李昉等 編

藩鎮謝官四

為滎陽公桂州謝上表一首

為懷州李中丞謝上表一首

刺史謝上表十首

為滎陽公桂州謝上表 李商隱

臣某言臣奉違禁掖祗役遐陬雖懸就日之誠懼曠宣

風之寄柔轡載揚於永路輕船利濟於大川即以今月
九日到任上訖臣某中謝臣係承儒訓生屬昌期初掛
弁髦即親筐篋嘉樹無忘於封殖青氈不落於寇偷再
擢詞科一登冊府徂遷歲律浮泛軍裝忽影華英俄列
通籍極望郎於南省備給事於左曹中間帖掌臺綱分
脩國史旋植孽童拒詔集作狂虜亂華副中憲以急宣
佐威城而遙護督晉氏遷延之後絕戎人值邈之奸敢
伐善以攘瑜固盡誠於養赤集作弱伏惟皇帝陛下武推

時夏文號欽明方將虔奉紫泥恭拜青瑣豈意遽分專
席叨賜再麾首南服以稱藩控西原而遏寇寨惟廉部
猶恐墜於斯文橫梁令軍實致憂於不武雖期竭力終
懼敗官况俗雜華夷地兼縣道文身椎髻漸尉佗南越
之餘叩鼓鳴鐘傳士燮交州之態網疎則魚漏繩急則
麇驚欲經緯以合宜顧韋弦而匪易伏願陛下務修儉
德廣扇庶風拾翠採珠不勤異物驅犀逐集作象用示
深仁始於問俗之時便獲稱君之美臣亦當求規水薤

取戒脂膏冀少息於羣

集作疲

黎庶免拘於司敗

集作隸

三

梁路阻九嶠山

集作封

遙浮江過

一作過

楚澤之萍望國隔

番禺之桂遐思白鳥鎮賜音於周圍之中遠羨仙冀永固本於堯階之上無任感恩望闕結戀屏營之至

為懷州李中丞謝上表

武宗

臣某言臣伏奉某月日制書授臣某官者天旨下臨星言東驚即以今月某日到任上訖臣某中謝臣聞漢分刺舉之條三河最重唐制郊圻之數五宅唯均况蘇公

舊田懷侯故邑太行會險德水通津在申畫之間素為

清地語翕張之勢號

一作實

曰要區自河南致軍以幕中

分理地雖密邇事異躬親伏惟仁聖文武至神大孝皇帝陛下神以運機聖而制變將鎮頑梗更務恢張由是開三壘之新規復數朝之故事齋壇將節重加廉郡之雄皂益朱幡各有為州之貴遠徵三紀間有兩人陶某以吏理當材鄭某以名家正授清塵不遠餘烈猶存頌條之寄繼祖為難若臣者品以勲昇官因賞達徒慕益

恭之美以承猶宥之恩過獎在朝承乏充使將聖代懷

柔之德率昆

一作外

夷畏慕之心萬里以遙三時而復副

介不離於痼疾

一作疾故

故人

一作人從

免難於凋零敢於跋涉

之勞自被生成之賜豈謂皇帝陛下謂能專對遽委牧

人仍其栢署之雄錫以竹符之重遂使霍氏固辭之第

早建雙旌于公必大之門更屯五馬賢無所象分可自

量入祖廟而歛驚瞻父堂而益懼况潞潛逆孽許出全

師繫

集作較

此州兵橫制賊境蕪聲勢之任有資扉之須

謹當懋舉詔書聽求人瘼思理行之第一誠愧昔賢奉
忠孝於在三亦唯先訓苟懋素誓則有神明伏遠雲天
已逾旬朔獻封人富壽之祝未卜其時懸子牟江海之
思莫知其極無任感恩攀戀闕庭之至

蘇州刺史謝上表

元錫

臣某言伏奉十一月七日恩教授臣持節蘇州諸軍事
守蘇州刺史以今月六日到州上訖臣績用無聞寵章
非次恩崇効淺任過憂深承命震惶不知所措臣其中

謝伏惟睿聖文武皇帝陛下道符乾元功配坤德盛明
參於兩曜休烈冠於百王覆幬羣生憂勤庶政至於牧
人長吏簡在宸衷然後明視達聽獎勞懲過俗臻壽域

該疑靡窮人是以列郡庶尹莫不甘於殞首以答玄造

臣藝術非工吏能罕立累因過幸嘗忝官榮所歷衢婺

兩州皆屬荒殘之後侵漁積疑作息是朝廷法令之明

饑饉不生屬年歲豐稔之運績無異等恩被殊私累貪

天功以竊身寵况東吳繁劇首冠江淮自非良能豈可

妄處受任踰重兢慙失圖獨不汰侈於法程宴安於寢
食誓刻肌骨用申涓毫無任受恩慚懼之至

福州刺史謝上表

臣某言臣才不

一作無

過人位忽踰量跼蹐無措憂慙不

容臣某誠惶誠懼頓首頓首臣歷忝方州誠無異効至
如俗幸不擾人懷小安是屬天時實非臣力况自永貞
以來陛下每降卹隱之澤則惇嫠保安發賑救之仁則

癘災不起法令昭著姦

類表作貪

邪已清時歲豐穰流庸

類表

作七 自占比屋日用豈臣之功陛下勸獎道崇葺一作輯綏

念切採擢凡品統臨列城將何以表正一方肅清羣庶竭微力仰酬天慈力不足則繼之以死是臣職分所當奉行秉茲一心敢有貳事以今月二十八日到所部上訖謹奉表陳謝以聞

衢一作婺州刺史謝上表

臣某言伏奉九月二十一日恩旨授臣衢一作婺州刺史

以今月十八日到州上訖祇承寵光魂首飛越臣已嘗

試任績用無聞荐沐恩私兢惶靡措臣本諸生行能罕
立徒以親知謬舉踐履踰涯常叨省署之榮亟歷萬方
之重事懷覲冒恩戴生成伏以浙東諸州衢

一作
婺

為大

郡累經荒險切在保綏憂勤所分簡求非易臣自量智
力懼不勝任守信偷安踰年受代當此益重實昧寵章
頃屬旱災相繼天喪過半生聚長育理難卒平賦斂徵
求物有常數自前年以來陛下以覆育之慈深布帛憫
賑貽口食蠲復地征人用昭蘇氣消疢瘼竊以匹夫遂

性天下懷仁况江表獲安動踰百萬臣職當撫字倍切
常情欲宣明詔條通達幽隱敦實務本者勸之以農開
通明敏者進之以學奉朝廷法制守使府規模克勵小
心庶無大悔有渝此志敢寘明刑

宣州刺史謝上表

臣某言中使王文朝至伏奉六月六日恩制授臣宣州
刺史兼御史中丞充宣歙池等州都團練觀察處置等
使以七月二十九日到鎮上訖臣謬承寵章顧影慙灼

祇奉明詔撫心震驚臣某中謝伏惟元和聖文神武法
天應道皇帝陛下嗣承大寶光啓中興德洽生靈道超
今古平逆亂之本建太平之階將澄化源先正理道詳
授一作長吏撫綏疲人冀厚生成用頒教化以臣庸昧
何以表率一方以臣屬微何以訓齊百姓始懼貪冒終
思悔尤伏以人之性命懸在衣食衣食所繫蠶農為先
使蠶不失時農無愆候其在姦豪屏息賦役均平既絕
侵漁雖灾害不困既均物力雖貧乏亦安不困而安可

成富庶臣累叨重任願効

一作立

微功嘗所粗知猶勉懼

一作強

不至况有未達豈昏愚可任竊自思惟不遑寢食

一作處

至若鉛刀一割之用駑馬再馳之勤所願酬恩更

期効命旬歲無補刑章敢逃無任受恩惶恐之至

一作皆唐

表類

忠州刺史謝上表

憲宗

白居易

臣某言臣以去年十二月十二日伏奉敕旨授臣忠州

刺史以今月二十八日到本州當日上訖殊恩收

一作時

獎非次遷榮

集作昇遷

感戴驚惶墮越無地臣某誠喜誠懼

頓首頓首臣性本踈愚識惟褊狹早蒙採錄擢在翰林
僅歷五年每知塵忝竟無一字上答聖明及移秩宮寮
卑冗踈賤不能周慎自取悔尤猶蒙聖慈曲賜容貸尚
加祿食出佐潯陽一志憂惶四年循省晝夜寢食未嘗
敢安負霜枯葵雖思向日委風黃葉敢望霑春豈意天
慈忽加詔命特從佐郡寵授專城喜極魂驚感深泣下
方今淮蔡底定兩河又寧臣得為昇平之人遭遇已極

况居符竹之寄榮幸實多誓當負刺慎貞履永勵節下
安凋瘵上副憂勤未死之間期展微効跼身地遠仰首
天高螻蟻之誠伏希憐察無任感激懇欵彷徨之至謹
遣某官某乙奉表陳謝以聞臣某誠惶誠恐頓首頓首
謹言 元和十四年三
月二十八日

杭州刺史謝上表

臣某言去年七月十四日蒙恩除授杭州刺史屬汴路
未通取襄漢路赴任水陸七千餘里晝夜奔馳以今月

一日到本州當日上

集有任字

訖外憂重寄

集作上分憂寄

內省庸

虛仰天戴恩蹈

集作竭

地失次臣其誠感誠懼頓首頓首

臣謬因文學早忝

集作忝廁

班行自先朝黜官以來六年放

棄逢陛下嗣位之後數月徵還生歸帝鄉

集作京

寵在郎

署不踰年擢知制誥未周歲正授舍人出泥登霄從骨

生肉惟有一死擬將報恩旋屬邊

集作方

隅不寧朝廷多

事當陛下旰食宵衣之日是微臣輸肝寫膽之時雖進

獻愚衷敢

集作或

期有補而退思事理多不合宜臣猶自

知況在天鑒忝非土木若

集作如

履冰淵合當鼎鑊之誅

尚忝藩條

集作宣

之寄才小官重恩深責輕欲荅生成未

知死所惟當夙興夕惕焦思苦心恭守詔條勤恤人隱

集作庶

下蘇凋瘵上副憂勤萬分之恩冀

一作莫

酬一二仰

天舉首望闕馳心葵藿之志徒仰螻蟻之誠難達無任

感恩懇

一作激

切之至謹奉表稱謝以聞

長慶二年

蘇州刺史謝上表

敬宗

臣居易言伏奉三月四日恩制授臣使持節蘇州諸軍

事守蘇州刺史臣以某月二十九日發東都今月五日
到州當日上訖時當明盛寵在藩條祇命荷恩以感以
懼臣某誠懼誠幸頓首頓首伏惟皇帝陛下嗣膺歷數
重造寰區將致昇平在先政化詢求救守勤恤黎元實
陛下慎選惟良之秋責成共理之日也臣以微陋早忝
班行首自中書舍人出為杭州刺史苟集作免敗缺實幸
無政能已蒙寵榮入改宮相今奉恩寄又分郡符獎飭
具載於詔中慶幸實生於望外况當今國用多出江南

江南諸州蘇最為大兵數不少稅額至多土雖沃而尚
勞人徒庶而未富宜擇循良之吏委以撫綏豈臣瑣劣
之才合當任使然既成命敢不誓心必擬夕惕夙興焦
心苦節惟詔條是守惟人瘼是求諭陛下憂勤之心布
陛下慈和之澤則亭育之下疲人自當感恩而歲時之
間微臣或希報効塵黷皇鑒吐露赤誠寵至空驚恩深
未答無任慚惶懇激之至謹差軍事散將某乙奉表陳
謝以聞臣誠惶誠恐頓首頓首謹言

連州刺史謝上表

劉禹錫

此篇合入五百八十六卷今已移入姑存其目

同州刺史謝上表

元稹

臣稹言伏奉今月三日制書授臣使持節同州諸軍事
守同州刺史兼本州防禦使臣罪重責輕憂惶失據慮
為臺府逼逐不敢徘徊闕庭便自朝堂匍匐進發謹以

今月六

集作九

日到州上訖臣稹辜負聖朝

唐書作明

辱累恩

獎便合自求死所豈謂

集作宜

尚忝官榮臣稹誠恐誠慙

死罪死罪臣八歲喪父家貧無業母兄乞丐以供資養
衣不布體食不充腸幼學之年不蒙師訓因感隣里兒
稚有父兄為開學校涕咽發憤願知詩書慈母哀臣親
為教授年十有五得明經出身由

集作
自

是苦心為文夙

夜強學年二十四登吏部乙科受校書郎年二十八歲
蒙制舉首選授左拾遺始自為學至於升朝無朋友為
臣吹噓無親黨為

唐書
作戚

臣援庇莫非苦己實不因人獨

立性成

集作
成性

遂無交結任拾遺日屢陳時政蒙先皇帝

召對

集作召問舊書作召問於

延英旋為宰相所憎貶

唐書作出

臣河南

縣尉及為監察御史又不敢規避專心糾繩復為宰相

怒臣不庇親黨因以他事貶臣江陵判司廢棄十年分

死溝瀆元和十四年憲宗皇帝開釋有罪始授臣膳部

員外郎與臣同省署者多是臣初登朝時舉人任卿相

者半是臣同諫院時拾遺補闕愚臣既不能低心曲就

流輩亦以此望風怒臣不料陛下天聽過卑知臣薄藝

朱書授臣制誥延英詔臣賜緋宰相惡臣不出其門由

是百方

集作計

侵毀陛下察臣無罪寵獎逾深召臣面授

舍人遣充承旨翰林學士金章紫服光飾陋軀人生之

榮臣亦至矣然臣並遭誹謗日夜憂危惟陛下聖鑒照

唐書作昭

臨彌加保任竟排羣議擢授

集作備

台司臣忝有肺

肝豈並尋常宰相况當行營退散之後牛元翼未出之

間每聞陛下軫念之言愚

集作微

臣恨不身先士卒所以

問于方計策遣王友明等救解深州益欲上副聖情豈

是別懷他意不料奸人疑臣殺害裴度妄有告論塵黷

聖聰媿羞天地臣本待辨明示集作未了便擬殺身謝責

豈料聖慈尚加

集作在

薄貶同州雖違咫尺之顏不遠郊

畿之境伏料必是宸衷獨斷乞臣此官若遣他人商量

乍可與臣遠處方

集作藩

鎮豈有

集作音

遣臣俯近闕庭臣

所恨今月三日尚蒙召對延英此時不解泣血仰辭天

顏便

唐書作乃

至今日竄逐臣自離京國目斷魂銷每至五

更朝謁之時臣實制淚不得已臣若餘生未死他時萬

一歸還不敢更望得見天顏但得再聞京城鐘鼓之音

臣雖黃土覆面無恨九泉

集作原

臣某無任自恨自悲

集作

慙

攀戀聖慈之至然臣一日未死亦合有所陳論或聞

党項小有動搖臣今謹具手疏陳奏伏望恕臣死罪特

留聖覽今

集作臣

此表並臣手疏並望

集作講

留中不出謹

差知衙官試殿中監馬弘直奉表謝罪以聞

黃州刺史謝上表

文宗

杜牧

臣某言臣奉某月某日敕旨自某官授臣黃州刺史以某月日到任上訖臣某誠惶誠恐頓首頓首臣自出身

以來供職使府雖有官業不親治

唐諱

人及登朝四任皆

參臺閣優游無事止奉朝謁今者蒙恩擢授刺史專斷

刑罰施行詔條政之善惡惟臣所繫素不更練燕之愚

昧

集作
昧愚

一自到任憂惕不勝動作舉止惟恐罪悔伏以

黃州在大江之側

集作
北

雲夢澤南古有夷風今盡華俗

戶不滿二萬稅錢纔三萬貫風俗謹朴法令明具久無

水旱疾疫人業不耗謹奉貢賦不為罪惡臣雖不行亦

能守之然臣觀東漢漢光武明帝稱為明主不信

集作
任

德教專任刑名二主相繼聯五十年當時以深刻刺舉

號為稱職治

唐諱

古之風廢俗吏之課高於此時循吏衛

颯任延王景魯恭劉寬陳寵之徒止一縣宰獨能不徇

時俗自行教化惟德是務愛民如愛子廢鞭笞責削之

文用忠恕撫字之道百里之內勃生古風凡違衆背時

徇古非今王者公侯尚難其事豈一縣宰能移其俗此

蓋人為治古之人法為一時之法以治古之教教之即

治古之人以一時之法齊之即一時之人國家自有天

下以來二百三十餘年間專用仁恕每後刑罰是以內
難外難作者相繼土地甲兵權柄號令盡非我有終能
擒之此實恩澤慈愛入人骨髓俗厚風古不可動搖今
自陛下即位以來重罪不殺小過不問普天之下蠻貊
之邦有懼艱凶一皆存卹聖明睿哲廣大慈恕遠僻隱
阨無不歡戴受十四聖之生育張二百四十年之基宇
臣於此際為吏長人敢不遵行國風彰揚至化小大之
獄必以情恕孤獨鰥寡必躬問撫庶使一州之人知上

有仁聖天子所遣刺史不為虛受蒸其和氣感其歡心
庶為瑞為祥為謏為詠以禪盛業流乎無窮在臣心之
則然豈材術之能及無任感激悃懇血誠之至

文苑英華卷五百八十七

欽定四庫全書

文苑英華卷五百八十八

宋 李昉等 編

公卿雜謝一

為武奉御謝官表一首

謝尚方監表一首

謝加授通義大夫表一首

為崔日知謝洛州長史表一首

代侯中庄謝封表一首

謝兄除補闕表一首

為王仲昇謝加兵馬使表一首

謝除考功郎中知制誥表一首

謝賜緋表一首

謝加銀青光祿大夫表一首

代路冀公謝旌節等表一首

謝錄銀青光祿大夫河內郡開國公第二表一首

謝加正議大夫表一首

謝舒州刺史兼加朝散大夫表一首

謝加司封郎中賜紫表一首

代閻中丞謝銀青光祿大夫表一首

為李希烈謝留後表一首

為武奉御謝官表一首

武后

臣某伏奉某月日詔書以臣為尚食奉御肅恭休命祇
拜寵章榮慶既崇慙荷交集臣其中謝臣才虧琢玉學
昧羸金徒以席一作藉寵葭茅容光日月叨承雲渥既曠

天工而榮更恩覃

集作昇

位非德舉無階而進坐致於青

霄有慶方來載光於朱紱臣聞瑤庭任切猶稱六尚之

榮玉食禮尊實總八珍之貴臣術慙綠鶴業匪豢龍將

何致美瓊芳式和金鼎鴻私曲被殊寵降臨天命既不

可違聖恩允宜祇戴循涯揣分實所非宜

集作晶

謝尚方監表

武后

臣某言伏奉制書以臣為尚方監忽承鴻霈遽辱崇章

澤甚漏泉懼深沾谷臣材乖遠大識謝

一作味

淹通曾微

汗馬之勞非有成麟之業欣逢昌厯謬踐清階自邇陟
遐從幽至顯題輿外郡多慙展驥之能縮墨中京久乏
栖鸞之譽雖韋弦自勗而寬猛猶昧空慙尸素罕聞政
績幸以聖德動天而祥山發地踴竒峯而槩日披秀嶠
以干雲處惟造化之靈以告休明之慶帝之力也臣何
預焉乾獎曲臨聖恩橫被俄輟一同之務坐遷二府之
班秩亞括河榮兼稅滓疑顧茲踈諛何以克堪伏願七
景停輝五潢收潤矜容薄淺更採英髦則上不汨於朝

彘下無招於官謗無任控欵之至

代侯中庄謝封表

肅宗

邵說

臣某言伏奉某月日制授臣太子詹事兼封上谷郡王
祇奉榮命以慙以惕臣聞論德而建封者聖王之事量
功而受賞者忠臣之義也封或謬建則王網斯紊賞或
虛受則臣體以乖聞之古先敢忘之疑誠伏惟皇帝陛
下大聖繼統神武經邦道邁纂堯功高復禹頃幽燕肆
逆汾澮阻兵朝義叛換於前懷恩旅拒於後陛下宸謨

獨斷睿畧潛行曾未三年克平二豎此益皇躬保祐宗
社降靈豈臣愚蒙敢叨封爵假使進能排難退克全軍
為臣之節固當若是以茲干賞實為包羞昔漢祖仗義
而西滅秦項韓彭諸將異姓同封然而德薄位崇卒見
傾覆以臣智畧敢方先賢苟或受之其能自保力微任
重福過災生俛仰增憂心魂若勵乞停嚴令俯遂私情
倘聖澤旁流天光曲照俾從散秩得齒周行臣之至願
死將不朽無任懇迫之至

謝兄除補闕表

肅宗

五百九十一卷謝親屬加官門有此題而闕其表

今已移入姑存其目

為王仲昇謝加兵馬使表

代宗

臣某言伏奉今日日制書授臣元帥左廂兵馬使兼知滑州兵馬使恭承寵命祇懼兼深臣某中謝臣聞至理之代為官擇人故能謨謀有成授受惟允若才不稱職任非其能冒進求榮必貽禍敗伏惟寶應元聖文武皇

帝陛下道齊濬哲德邁狗齊惟新景命再造區宇微臣

薄劣早荷恩私慙無樽俎之謀

一作謨

累忝腹心之寄擁

旄仗鉞自北徂南來剪克渠已嗟挫惡守節雖同於蘇

武喪師有類於孟明議以刑章分從齷粉陛下察其本

志念臣微忠特全要領再加驅策位兼風憲職典禁兵

撫已循涯實為塵忝每思陳力之誠竊懼妨賢之責不

謂更沐殊恩猥當重任佐皇太子元戎之律統王畿禦

侮之權內省凡庸必多敗事乞停新命別授時英則朝

章式序軍政無闕無任

云

云

謝加授通議大夫表

武后

李嶠

臣嶠言伏奉恩制加臣通議大夫守成均祭酒兼檢校文昌左丞餘如故榮過望表慶溢身涯荷寵祇思蹈冰臨谷臣嶠中謝臣鷺雀之羽多謝於飛翻蜉蝣之衣久慙於忝竊屬秦人望幸虞帝卜征萬騎時巡不倍遊於渭北四關留鎮獨延欵於周南劬勞異羈勒之臣寵渥均廟堂之士燕溪弱黍分隔於陽和楚塞輕茅遂承於

雨露仰平分而載躍撫留滯而成歡惠重丘山徒深於
拊舞身輕糞壤豈議於答酬無任喜戴慙惶之至謹附
某官奉表陳謝以聞

為崔日知謝洛州長史

唐書作司
馬恐非表

睿宗

崔沔

景雲
中

臣某言伏奉某月日制書除臣洛州長史勳封如故伏
荷殊私祗承重任屏營夕惕無以自寧臣某中謝臣實
凡材素無遠量書生問道未探經術之精俗吏隨班僅

見章程之末官資命達榮與時來謬齒周行誤升官秩
挈瓶乏智守職何功盈缶之誠蹈常斯在冀免罪戾以
紓微生仍賜寵章胡寧始望服忝三命階踰九列子孫
蒙澤宗黨被恩榮遇既深隕越何答豈雨露之潤沐浴
無涯而日月之明昭晰不已更承中旨作尹下都玉城
巖門洛師殷雜實四海之朝市據三河之樞要鎮俗移
風方資舊德剗繁理劇必藉良能臣亦何人濫膺斯授
如觀渤澥未測淺深若負蓬萊無任施重云云

謝除考功郎中知制誥表

代宗

常

袞

寶應二年

臣袞言伏奉去年十二月二十六日恩制授臣考功郎

中餘如故詔書降辱

類表作猥降詔書

特榮新命祇荷殊造若

無所容臣袞誠惶誠恐稽首頓首臣本諸生素虧令望

憑藉儒業遭逢聖時

類表作朝

幸從彛序累踐清秩得以文

墨侍於軒墀五字非工四年待罪禁垣之右朝奉如綸

宸扈之前夜參視草以地尤密惟才必精在臣無堪忝

跡斯甚食浮之議所責何逃

類表作於何逃責

陛下弘獎文儒

優容侍從恕其職事之闕錄以歲時之深爰錫朝章俾
遷郎位典掌如舊寵榮有加翺翔雲霄沐浴雨露俯伏
拜賜心靈若飛效薄恩崇罔知攸措何以上報期於死
節無任感戴屏營之至

謝賜緋表

代宗

常袞

臣袞言今日內給事潘副宗奉宣敕旨賜臣緋衣一副
并魚袋玉帶牙笏等寵自天來恩加望外顧已何幸循
涯若驚臣袞中謝臣學愧聚螢才非倚馬典墳未博謬

陳良史之官詞翰不工叨辱侍臣之列唯知待罪敢望
殊私銀章雪明朱紱霞映魚須在手虹玉橫腰祇奉寵
榮頓忘兢惕蜉蝣之羽恐刺國風螻蟻之誠難酬天造
捧戴無力兢惶在心無任感荷屏營之至謹奉表陳謝
以聞

謝加銀青光祿大夫表

代宗

韋元甫

大曆中

臣某言伏奉去年月日制特加銀青光祿大夫跪奉詔
書震驚心腑恩深益懼喜極成悲臣某中謝臣肄業儒

門出身聖代始服勤於州縣遂竊位於臺省每自兢惕常憂滿盈一從效官三十餘載不敢受鍾釜之祿不敢

叙節級之階中朝舊人或所知悉非唯懼速誣一作誹謗

實亦有畏神明屬頃歲姦宄亂常中原多故聖皇委臣以武關方城之任賜以章服監護七軍先帝委臣以荆南江西之寄特加朝散兼察兩道今陛下又錄臣駑駘薄効超授銀青三朝荷榮百生何報仰天跼地自省無能撫本循涯罔知攸措便當門施祭戟綬綰銀黃車服

有加子孫蒙福禽鳥飛動不知天地之功草木芬華空
滋雨露之澤誓將輕命上答生成冀効涓埃以裨萬一

代路冀公謝旌節等表

代宗

王

緯

大歷八年

臣嗣恭言月日中使至伏奉敕書并賜臣冬衣一副李
獻誠至奉宣聖旨重賜臣敕書一通并嶺南旌節及告
身殊恩薦至列郡光生旌旄自天介冑增氣榮加慶外
感在懼中臣其中謝臣幸承明命出鎮楚郊忽奉除書
兼總閩徼捧彩牒而親承睿旨受命服而遠荷聖慈仰

戴俯慙以歡為懼况臣名膺上將識昧中權豹韜無聞
龍節見授但欲仗於百越震聞外之雷霆亦示

未詳其事三

軍壯轅門之鞞鼓光生澤國榮觀江城所恨荒服猶虞
且有後命長安更遠未賜前期望丹闕而心魂共驚負
鴻恩而灰粉何答不勝感激荷戴之至

謝銀青光祿大夫河內郡開國公第二表

代宗

常 袞

大歷十三年

臣某言內侍喬獻德至奉示答臣所讓新受階封德音

宜即斷來表者臣自沐恩私不遑寢息所以上冒宸庥
頓首拜章瀝懇於宴賜之辰披誠於對敷之次累煩睿
覽下執愚衷竊以榮級清階本因馭貴分茅錫土必在
報功冀達舊章非勤飾讓天書再及嚴旨不移受詔兢
惶撫躬震越伏自思念戰汗交馳恐負聖睿之慈當
亦作審微臣之分何者謬升非次既參二府之榮縱避今
恩不減四方之責唯當勉申駑蹇恭守紀綱苟塵露之
可裨雖灰壤而無恨重承嚴命不敢固辭此生甚微厚

施何答無任惶懼感荷

類表作慙
惶感戴

之至謹奉表陳謝以

聞臣某誠惶誠恐稽首頓首謹言

謝加正議大夫表

蘇冕

臣某言伏奉今日日制書以臣職理粗進加正議大夫
朝命遠臨天慈曲被感戴殊造震驚失圖臣某中謝臣
自出書生謬分旌鉞拙直無援孤真少徒雖封域乂安
參憑理化而消塵靡効實懼素餐屬瘡瘍為災私門多
費媿無烈士之死志而有犬馬之貪生輒狀表章陳乞

骸骨遇陛下寬一戮之責起將廢之魂因請退之誠增
進秩之典宸光獨照枯朽頓榮况堯舜在上蒸人自理
日月既出燭火何光加以無左右之容無龔黃之政猥
蒙天地之德載於金玉之音是則陛下切思理之心以
風海內而臣受分憂之寄謬竊寵榮成命已行不敢固
讓受恩益厚期於殺身無任感戴屏營之至

謝舒州刺史兼加朝散大夫表

代宗

獨孤及

臣及言臣伏奉七月十八日敕加臣朝散大夫使持節
舒州諸軍事守舒州刺史充當州團練守捉使兼知淮
南岸當界緣江賊盜臣典濠州無政可紀人幸不擾時
和所致流者稍復年登之力臣敢貪此以為已能陛下

過聽驟降殊私

集作
獎

既增之秩又命以服無德受賞

集作

愧

幸孰甚焉仰戴皇渥

類表
作澤

且榮且懼今以九月二十

七日到州上訖州經積年寇盜瘡痍之後百姓流浪

集作

竊

十不一存臣已奉宣聖慈與之休息勞來鰥寡寬

集作

薄

其徭賦以是

集作是以

招携亡者撫柔存者庶經秋之後

或致

集作頗或

安集非曰能爾冀竭力焉臣無任感戴之至

謹奉表陳謝以聞

謝加司封郎中賜紫表

代宗

臣及言臣伏奉三月一日敕加臣檢校司封郎中使持節舒州諸軍事兼舒州刺史當州團練守捉使仍知淮南岸當界緣江賊盜賜紫金魚袋殊榮厚渥驟鍾臣身且喜且驚

集作駭

以愧以懼臣聞堯舜建官三考黜陟漢

代二千石以循良稱者於是有璽書勞勉增秩賜金之制臣到官始半歲職事未有所補見在戶口纔肯地著其中鰥寡疲弱不能自存者十猶六七徵遣征賦未嘗及期此臣政不逮力不任之効獲宥罪戾幸固深矣豈謂皇恩驟降復以古典命臣加位授服寵過臣量伏讀詔書懼孰大焉此州古荆舒之地詩人懲其剽輕復當賊寇虔劉比屋流亡之後其人心已難安易動况加徭役稅斂日不獲已緩之則驕急之則散輯系底綏之道

尤非愚臣所及伏當宣風

集作伏思風夜

勉勵力安斯人省事

以慰其愁示信以杜其爭亦冀俗稍務本人漸足食使

闕

之人歲增月長三歲大比以版圖歸於有司犬馬

闕

臣無任感戴之至

代閩中丞謝銀青光祿大夫表

羊士諤

臣某言今日吏部

闕

奉恩制加臣銀青光祿大夫

朝命遠臨殊私曲被喜躍無措感懼惟深臣某中謝臣

謬忝方隅實淹歲序幸逢昌運得備職官昨者累狀封章輒有陳乞敢希獎進虛荷恩榮而陛下不思天功為臣已力詔曰二千石便安吾人理有異等則就行賞典不繫年序夫人神休泰自感陶鈞封域又安是恭理化雖云六稔無裨三載之文况當退思乃叨進秩之典濫憑微績陟在綸言超踐清階猥登明勸榮深載造光被生華匪臣孱愚所宜忝竊唯奉宣時令敬尊農祥保率土之康寧贊遠黎之生植而丘山施重螻蟻効輕上報

無階稽首知懼無任感戴屏營之至

為李希烈謝留後表

代宗

韓

翊

大曆十四年

臣某言中使梁某至伏奉今月日制書授臣使持節蔡州刺史兼御史中丞充淮西節度觀察度支營田等使留後特達睿恩殊常寵寄權兼專席榮重褰帷稠疊聖慈心魂戰越臣某中謝臣少小孤遺又無藝術叔父忠臣勵以成人自屬艱難親承任使備牙門之將總帳下之兵耳目腹心臣當職分毫釐絲髮臣合知委而依阿

從事曖昧居心羣小用權臣不能規諫三軍潛怨臣不能警覺蒼黃之際遂成禍階十起之恩低徊未報一朝之難逼迫見留白刃交前脫身無路謝安內舉寧効驅馳疏廣告歸獨垂隨從在臣情地何以自容雖畢願仇讐纔雪家怨而自慙面目有負國恩豈謂降以殊私副茲重鎮上承朱邸之令下奉玉帳之謨權副九州地方千里在臣微眇難繼威聲豈臣竊賣舊勳謬膺殊澤撫心泣血何地自容特望聖恩察臣微懇選朝廷舊德副

節度重權許臣歸骨關西死且不朽

文苑英華卷五百八十八

欽定四庫全書

文苑英華卷五百八十九 宋 李昉等 編

公卿雜謝二

為河東副元帥馬司徒謝實封表一首

為桂府王中丞謝加朝議大夫表一首

為太原鄭尚書謝賜旌節等表一首

為太原李少尹謝上表一首

謝兵馬使朱鄭等官表一首

為昭義王大夫謝賜改名表一首

謝賜光宅坊宅表一首

謝授右拾遺表一首

代李僕射謝加營田使表一首

謝太常卿并舉自代表一首

謝再除太常卿克禮儀使表一首

東都留守謝上表一首

謝除太常卿表一首

代李中丞謝官表一首

謝貸錢物表一首

蘇州謝恩賜加章服表一首

為河東副元帥馬司徒謝實封表

德宗

崔元翰

貞元元年

臣燧言某月日中使某乙至伏奉手詔復以收河中功
賜臣實封五百戶通前為七百戶功微賞重恩積生輕
報効何階祇懼惟甚臣某誠惶誠恐稽首頓首臣頃奉

詔與諸道同討逆賊上稟謨

類表作謀

筭克致誅夷越升

類表

作起授

官榮真食戶邑且有後命再荷殊私伏以聖德結

於人心皇威加於物表將帥克宣其力凶逆盡

一作

伏

其辜此皆國之福也至若分閫作藩秉旄仗節扞禦患
難剪掃寇讎此固臣之職也幸無獲戾何以為功爵秩
既崇封賞又重絲髮未効消塵莫施雖復捐軀豈能上
答無任荷懼之至

為桂府王中丞謝加朝議大夫表

令狐楚

臣某言伏奉某月日恩旨南郊禮畢進加臣朝議大夫
拜受嚴命感惕交集臣某中謝臣泗濱諸生塞上從事
被蒙恩澤齒列才俊戴高履厚實有慙焉乃建子月伏
惟皇帝陛下殷薦祖宗嚴禋天地而限從外役不侍中
禁有望雲就日之戀無給薪除地之勞今者爵賞遠加
寵榮俯及拾級以上早忝諸侯之秩歷階而昇又厠大
夫之品峨峨象笏粲粲銀章自揆何人敢安非據伏以

神光

類表作休

既擁王澤已流難申牢讓之心空秉益恭之

禮無任慶幸屏營之至

為太原鄭尚書謝賜旌節等表

臣某言今月七日中使尹偕至伏奉敕書手詔慰喻

一作

問

臣及將仕參佐等并賜臣官告旌節寵命併臨榮光

豐至欽承捧受感惕難勝臣某中謝臣昔為諸

一作書生

所冀微祿揣摩鉛鈍際會清平伏惟皇帝陛下至德配

天大

一作文

明並日朝有多士國無幸人若臣庸虛何足

比數階緣所職被服殊私居郎吏之中已為饗竊立戎
旃之下安所堪任前奉詔書除臣節度託肺腸而三省
覺魂魄之九飛懇款未申恩光薦至一作及使從天下拜

迎而萬姓

一作衆

懽呼王在日中照臨而一方安泰編綸

言於寶軸揮宸翰於綵牋既賜諸侯之旌又降將軍之
節委之刑賞許以便宜臣實何人忽蒙斯寵重如山壓
薰若火炎無以為容不知自處謹以今日準敕拜受訖
臣伏以旌唯進善節以詰姦昔常傳聞今即一作則祇受

度才非將雖天地

一作下

所知稟令於君豈風塵敢犯誓

當保安四境和叶三軍灑帝

一作王

澤於州閭振皇威於

邊境

一作徽

難酬天造庶竭臣心所守有限不獲陳謝無

感戴抃躍之至

為太原李少尹謝上表

臣某言伏奉恩旨授臣太原少尹兼御史中丞充河東節度使行軍司馬祇承榮命以感以懼臣其中謝臣器質凡下行能無取父母生之陛下知之頃陷官謗會從

吏議伏賴陛下聖明乃得全活既而肩隨多士掌領孤
兒警夜巡晝庶將終老跼天踏地誓不違遠豈意陛下
不量臣之能否拔自近侍貳於大藩且御史丞執憲之
任府少尹理民之官也軍司馬握兵之職也皆須率其
屬以贊其長必國之良猶懼不稱况於疲病安所堪任
此臣所以行思坐念常恐失墜以某月日到府上訖伏
以太原建國興王大都曉囂五氏合沓萬室動見指視
甚難為理唯稟謨猷於廊廟同心力於幕府勤以臨事

清而處身至若上分乃眷之憂下塞具瞻之望雖欲自勵終非所能離去殿階已彌旬月攀望不及腸迴目斷無任云云

謝兵馬使朱鄭等官表

初除御史續除中丞封異姓王

劉禹錫

臣某言奏事韋溫迴特蒙聖恩重賜朱鄭等官告宸象昭回煥然下燭榮分右職光賁遐藩臣某中謝臣伏以朱鄭朴忠為心沉毅見色當建封禦侮之寄見張愔建封

也子提孩之年昨者隸職徐州分鎮蘄縣英華作騷之

際梗亮彌彰歷險而前實繁其旅詳探本未有足褒稱

輒具奏聞恐須獎勸伏蒙睿鑒俯亮微誠優詔先行已

階直指之日殊私荐至超昇獨坐之崇戶領三千爵踰

五等恩生非次感異常倫轅門有光武旅增氣遂使感

激之士希男爵以捐軀猖狂之徒聆聖澤而悛性風行

草偃其勢必然臣忝摠戎倍百欣荷臣無任云云

為昭義王大夫謝賜改名表 崔行先

臣某言中使第五守進至伏奉今日制命授臣開府儀同三司潞州大都督府司馬知府事充昭義軍節度營田澤潞邢洺等州觀察留後兼賜名處休雨露湛恩

光臨非次蚍蜉眇質負戴難勝臣某中謝臣出

一有身字

自

行間器識短淺理兵從衆問陣無師一心守愚六藝皆闕自謂才無經濟智乏周防吐誠託人損己待物每日揣分有時撫膺徒生於此何以報主得免獲戾已足為榮敢求聞達妄進階級豈意陛下顯元合德日月在躬

曼開獨見之明特降發哀之詔拔自泥滓致于煙霄臣
之榮幸孰與為此伏以處休之義恭懿有章簡自帝心
納于臣口自一作訟增感以榮為憂魄散心殞罔知所
措况名器所慎春秋格言服之不稱詩人是刺雖欲勿
議誰能捨諸曩日劉玄佐之領浚郊李元諒之居關輔
皆勲崇台揆業濟艱難方開加等之恩姑受錫名之寵
臣何為者坐繼前人三省駑鉛未展涓埃之効百身灰
粉何酬天地之恩

謝賜光宅坊宅表

李 揆

臣某言中使某至奉宣聖旨知臣無宅以光宅坊去內最近賜臣宅一區寵渥特臨喜懼交集臣某中謝臣自惟固陋謬忝恩私陛下收其璞材擢以密職司言北闕已揮翰於紫垣秩禮南宮復影纓於丹地故得迴翔三省出入九重此皆稟宸衷不因人譽毛髮之內曾未報於生成雨露之恩猥有加於疵賤頃以寓居失火事忽聞天慈親垂恤問環堵之業雖有虧於曾經賜宅之

人

疑作仁

遂承榮於漢詔况王人啓戶大厦當衢顧蝼蟻

而知慙迎鷺雀而相賀古制宮闕近地公卿不居唯信

臣密戚時聞詔賜所謂北闕甲第者蓋由遠近差之今

宅在廟圖地近丹禁朝天不遠於咫尺捧日如奮於雲

霄仰惟明主之恩實私微臣之幸銜恩撫已尤懷戰跼

誓當竭忠盡節鏤骨銘肌豈捉足而獲安誓捐驅以為

報無任

謝授右

集作左下同

拾遺表

德宗

呂

溫

貞元九年

臣某言伏奉制命擢

集作授

臣右拾遺又中使毛進朝至

宅奉宣進旨

集作止

賜臣本官官告

集作告身

者澤濡窮鱗雷

起幽蟄塵忝近侍冠軼常倫震驚失圖兢跼罔據臣某

中謝臣嘗學舊史承訓先臣皆以奉上自致為榮附下

苟進為耻臣所以既孤之後義不因依

集作依人

賣洛中之

集無此字

薄田歸闕下之

集無此字

舊宅退藏其跡私誓于心不

邀利于權門不求名于衆口星霜苦節夙夜精誠唯願

投軀盛時自結明主愚誠神感人欲天從果蒙陛下自

記姓名猥憐孤直振零丁於絕望拔曖昧於無階獨斷

皇明起至

集作真

清列俯降中貴內賜官告特違恒例光

寵賤臣俾其不出戶庭坐生羽翼萬乘知已一鳴驚人

公朝得盡節之方私室無謝恩之處顧惟凡陋

集作質

叨

此殊尤纏激血誠銘鏤膚骨採拔恩重泥塗感深畢性命以為期裂肝膽而何述唯當竭誠陳力効節明忠使

丹心有孚白首無玷

集作點

然後敢望披雲捧日一識天

顏則闔門之灰粉知歸百生之志願斯畢臣家雖在城

多適田野久廢簪笏皆須營備不獲當時隨例拜謝闕庭

代李僕射謝加營田使表
崔位

臣某言伏奉某月日敕以臣蕪充當道營田使者捧受
絲綸載驚載躍臣其中謝幸忝宗室沐浴恩波性惟直
方官絕依倚凡忝任用皆自宸衷常思殺身以答鴻造
所至之職勵精苦節苟可利人利國誠願悉心况西戎
狡謀有備無患東都要害居安慮危俱屯偃革之師豈

可不耕而食臣是以諭臨邊將士首建屯田董所屬軍
人力開荒壤近為水旱之蓄遠減飛輓之勞臣之用心

素切於此又背

一作軍

營衣賜久費度支百方圓融三分

全給在臣守土固合分憂此皆塵露至微豈於山海云
益陛下曲垂天獎正以使名榮光荐加荷懼惟厲但當
撫字鰥寡訓練貔貅克宣皇風底靖藩鎮庶申萬一少
報生成臣所守有限不獲奔赴闕庭拜舞丹墀無任感
思墮越之至

謝太常卿并舉官自代表

德宗

高郢

臣郢言伏奉今月二十七

一作二

日敕除臣太常卿曲降

殊私猥被凡器非才荷寵聞命自驚臣聞太常者舜臣

秩宗之任周室春官之職其所典者禮樂所奉者郊祠

故班冠

類表作班官

九棘選重歷代臣學識凡近遭逢聖明

管庫無遺久塵貢士之列疲駑不逮嘗獻避賢之疏特

蒙天鑒俯及容光煦嫗之仁允前請而既幸綢繆之寵

沐今授而增忝將何以欽承睿獎備舉官司顧慙匪服

之唾上累能官之謗類表作咏恩深命淺報効無階伏準建中

元年正月五日制常參官授訖上表讓一人自代者臣竊見銀青光祿大夫守太子賓客上柱國鄭縣開國公杜黃裳識度深遠志業忠厚達於大體練於故實羣而不黨和而不流與臣同在周行臣頗知其優裕伏請準制舉以自代臣郢無任感戴欣惕之至

謝再除太常卿克禮儀使表憲宗

臣郢言伏奉今月二十一日恩命除臣太常卿克禮儀

使者累歲守藩每馳心於魏闕一朝聞命得備位於周

行上慙叨

一作塵

忝之深下慰違離之思臣其中謝臣聞

秩宗之任典司三禮奉常之選班列九卿前古以來用人為重非有望實不宜謬居臣昔叨此官已積負乘之懼今復再歷倍增濡翼之憂况專職禮儀別蒙委遇明時大禮方奉郊禋末學謏聞何徵損益飲冰斯切俟駕靡

一作匪

皇

螻蟻之微無階報國犬馬之戀但

且

喜歸

朝臣不勝感戴欣懼之至

東都留守謝上表

憲宗

權德輿

臣某言伏奉今月三日制命授臣檢校吏部尚書兼御史大夫充東都留守判東都尚書省事以今月二十四日到東都上訖榮渥特加寵光備至俯仰印綬慙懼交懷臣某中謝臣才不出衆祿期代耕因緣文字進越名級自聖明臨御特沐鴻私歷五曹之貳居九卿之長遂叨大任忽涉四年智慮孱愚言辭朴訥徒淹歲月莫展涓埃雖竭匪躬之誠竟乖陳力之効自免樞務猶忝春

官纔經半歲復授今任前後所歷皆不因人無非睿獎

以至崇大况留

集作居

守所寄東夏式瞻在君陳畢公之

選兼天官憲府之重面辭之日親奉聖暮式過匪人整

訓戎事用制竊發必資兼材豈臣懦薄所宜負荷今兵

力至微武備不足此皆天鑒所察臣不敢累贖聰明杜

其奸情亦在早計必冀磨礪鉛鈍罄竭肝心忠以事君

死而後已違離宸睭感戀闕庭以陛下注意之恩誓微

臣捐軀之節無任荷戴屏營之至謹差押衙試殿中監

成黨奉表以聞臣某誠惶誠恐頓首頓首謹言

元和八年七月

二十四日

謝除太常卿表

憲宗

臣某言伏奉十月二十四日詔命除臣太常卿統和神人典司禮樂臣實庸菲謬叨寵榮臣某誠惶誠恐頓首頓首臣以書生凡輩懦弱無堪生遇昌期累膺爵秩四掌誥命五居列曹遂叨禮卿乃佩相印竟無微效上荅皇明自罷宰司再履宗伯旋忝保釐之任屬當憂寄之

時淮甸多虞周郊接壤上勞聖慮下輯戎師臣不敢愛

身不敢避事頗抗手疏備陳物宜猶

集作苟

披肺肝莫識

忌諱自承詔旨許募新軍實使懦夫增氣輒思仁者有

勇繕脩器甲招集驍雄每竭一心敢有二事陛下憂臣

不逮全度特深出於殊私遽降新命沐浴皇澤從容大

僚量力無庸庇身何幸况太常者伯夷叔孫通之職臣

豈其人五六年間再居此地感恩知懼循分難任即以

今月三日進發瞻望闕庭踴躍欣抃謹奉表陳謝以聞

無任感戴喜懼之至臣某誠惶誠恐頓首頓首謹言

代李中丞謝官表

元稹

臣某言伏奉今月二十九日敕

集作制

授臣御史中丞寵

秩逾涯心魂戰越臣某中謝臣生值聖時蔭分天屬雖

牽絲入仕或因瑣碎之文而執簡當朝實由睦族而致

頃以材駑氣直屢棄遐荒陛下擢自藩方

集作遠藩

任兼臺

閣夙夜循省報効無階豈謂天眷曲臨過蒙獎擢

集作拔

坐令專席位忝中司因期

集作固當

陳乞於天安敢叨榮於

已如或綸言既降丹慊莫從則當破柱求奸碎首請事
死而後已義不苟然增日月之末光蒼天地之殊造無
任懇欵屏營之至

謝貸錢物表

劉禹錫

臣某言中使南宮懷珍至奉宣聖旨存問兼賜臣墨詔
天光下濟睿澤曲流銜恩未酬居寵彌懼臣其中謝臣
受任斯極微功莫施昨以封畧未寧干戈猶動壽春固
壘以備盜淮甸興師以扞姦經費所資數盈鉅萬餽餉

時久供億力殫慮始圖終不敢緘默輒陳管見上黷宸
聰伏蒙聖慈特遂誠精遠承如綍之旨特假聚人之財
軍須不憊士氣彌振糗糧既備永無半菽之虞襦袴足
頒遠起挾纊之感是為悅使咸願先登臣忝總戎倍百
欣荷伏以上分國用俯濟軍興候清烟塵謹備償納

蘇州謝恩賜加章服表

文宗

臣某言伏奉去年十一月二十七日詔書加臣賜紫金
魚袋餘如故者恩隆重霄榮霑陋質既

集作
虛

黷陟明之

典恐興彼己之詩寵過若驚喜深生懼臣其中謝臣起
自書生業文入仕德宗朝為御史以孤直在臺順宗朝
為郎官以緣累出省憲宗皇帝後知其冤枉特降敕書
追赴京國緣有虛稱恐居清班務進者爭先上封者潛
毀巧言易信孤憤難申俄復一麾外轉三郡伏遇陛下
應期御宇大振滯淹哀臣宿舊猥見收拾職兼書殿官
忝儀曹微績集作勞未宣薄命多故又離省署重領郡符
延英面辭親承教誨銜命即路星言載馳到任之初便

逢灾疫奉宣聖澤恭守詔條上稟睿謨下求人瘼才術
雖短憂勞則深幸免流離漸臻完復皆承聖化所及遂
使人心獲安豈由微臣薄劣能致臣素乏親黨家本孤
貧年衰無酒色之娛性拙無博奕之藝自理

集作領

大郡

又逢時灾晝夜苦心寢食忘味曾經讒

集作誣

毀每事防

虞唯托神明更無媒援豈期片善上達宸聰迴日月之
重光燭江湘之下國絲綸褒異苦節旣彰印綬煒煌老
容如少望雲天而拜舞豈盡丹誠視環玦以徘徊空嗟

白首無任感激屏營之至

文苑英華卷五百八十九

欽定四庫全書

文苑英華卷五百九十

宋 李昉等 編

公卿雜謝表三

代羣官謝恩表一首

為李尚書謝恩表一首

為將軍程處弼謝放流表一首

謝觀唐昌公主花燭表一首

謝追赴大禮表一首

謝入朝表一首

謝書上考表一首

為李大夫謝恩表一首

為張監謝天長節答賜表一首

為崔鄴公謝敕追赴京表一首

謝恩寫真表一首

為崔僕射謝恩賜表一首

謝恩表二首

為百官謝放朝表一首

為京兆尹捉賊不獲謝恩表一首

為京兆韋尹謝許折糴表一首

謝差中使送上表一首

謝獎諭表一首

謝追赴闕庭表一首

代李侍郎謝用內庫錢充軍資表一首

代羣官謝恩表

李嶠

臣某言監軍副使迴伏奉敕書手詔宣慰臣及將士黎庶等并賜幕府大將已下改官告身二百八十七通神澤鴻私發揚禹縣榮光喜氣充溢轅門臣某中謝伏惟皇帝陛下配天立極撫運承一作乘時酌萬姓而為心法

四時之行信汗馬之勞必錄鳴鷄之用不遺實均雨露之澤曲播乾坤之造頃以戎臣殞喪軍國憂惶將校叶心佐寮奉職皆能獎忠守義俟命於天致使州縣底寧風塵不驚此乃臣子常分國家舊規守而勿失幸免獲

戾豈意聖謨廣運睿渥旁流特令甄叙寵授官命勗以
忠貞之効優其爵秩之榮光啓朝端昭宣海內凡是含
識孰不知恩其來希皓等二百餘人無不感極成悲銘
心墮涕不勝荷戴之至

為李尚書謝恩表

王行先

臣某言臣植性愚陋稟質庸踈過蒙恩私特垂獎飾擢
自泥滓之下昇之雲霄之上叅預機密接奉軒墀寵光
百僚榮被九族殞身未能以荅施灰骨不足以明恩屬

日月齊明乾坤交泰弓旌出谷俊又盈朝非親非賢無
藝無識猥將齊竽入吹謬以鄭璞為珍昔綜銓衡有慙
簡要署置過當涇渭莫分致令外削氓黎內傾府藏煩
擾之弊既傷於國體謗訕之咎允集於臣躬是用仰慙
公朝下積私懼顧循支離犬馬之疾恐玷棫樸鷓鷯之
羣不敢仍勞準繩實願自甘屏黜言布心腹輒以陳祈
而愚慮不周僣違自速有命端降營蒐載飛豈徒絕望
丘園故有甘心鼎鑊忽蒙聖恩懸察慈旨曲矜爰集簪

纓諭以絲紱許臣以無憊衡鏡恠臣以輒謝鹽梅察臣

誠款之言

一作心

知其憂國覽臣狂愚之奏謂合事宜謹

讓之中恩多而責少含容之內善詳而過畧本將因愆而獲戾翻乃以誚而蒙榮惟大造曲成既蒙再生之惠小人多幸方輸九死之荅無任欣喜踴躍之至謹詣明福門奉表陳謝以聞臣嶠誠歡誠喜頓首頓首死罪死罪

為將軍程處弼謝放流表

見六百十八卷

陳子昂

謝觀唐昌公主花燭表

玄宗

張說

臣說言內侍尹鳳祥宣敕賜臣觀唐昌公主花燭伏以

天人下嫁王宰送行苟非榮

集作殊

寵何階瞻望臣免歸

餘叟忽承朝請之恩廢駕羸

集作疲

驂復覩肅雍之禮鴻

私所被枯瘁生光無任歡荷之至謹奉表陳謝以聞

謝追赴大禮表

玄宗

王 駿

開元十一年

臣駿言直省王容至伏奉恩敕朔方無事且赴大禮者
臣肅承寵命喜躍交并臣某中謝臣實不才累承恩獎

入參喉舌叨居國相之榮出揔旌麾謬忝元戎之寄常
願俯陳瑩燭寧有益於曦舒思竭消塵何以裨於海岳
每憂折鼎負乘碎首糜軀何階荅施伏以禋宗大亨禮
備郊天特垂綸綍之私聽同玉帛之會馳心輦蹕不遑
俟駕跼影塞垣迫於遵守以慶以懼戰汗兼深今長河
始冰大漠初雪邊亭有賊今正其時事不可期兵難預
度儻驚塵忽起禍出不虞臣進不之京退不及事微軀
塞責無益於軍誠願陪扈屬車仰望雲漢顧惟軍旅之

重正當預備之辰不敢釋此嚴防馳赴恩命惟當利兵
訓卒息烽候於三邊耀武懷荒宣皇威於萬里無任悚
荷屏營之至

謝入朝表

玄宗

李邕

臣邕言伏奉七月十五日恩勅許臣會計京師者止水
一盃忽聞朝海枯查八月更得一作浮天臣其中謝臣

以幽遐必察者日月之照明憔悴皆霑者雨露之恩廣
伏惟陛下天德陰騭神功獨斷咸造吹萬容至於工養

報通三大及於小豈臣微物得預洪鑪在昔全生已承
曲記斯今上計再荷特恩戴之心仰天有望出籠之鳥
飛空可期方將蹈舞闕庭慙戴咫尺葉公宿願一覩真
龍岐下遺眈忻逢聖主無任喜躍慙荷之至

謝書上考表

玄宗

臣某言伏奉今日聖恩鑒以薄能光賜上考御詞激
物睿獎動時戴天不

類表
作奚

勝跼地無所臣其中謝臣聞

荷再造者遍於有情勸庶工者盡於有位莫不宣其力

竭乃誠欣赴前儔耻居後殿者盖以萬數則區區揚化
耿耿納忠自化彭蠡之魚更是海濱之鴈伏惟陛下太

和布氣巨壑流津宇宙開明既照

類表作

織草山河鮮潤

每納昆蟲豈臣凋枯復霑雨露天漢之上遙記嚴平宣
室之中興言賈誼摧羽挿翼忽飛翥於雲霄暴鯁捷鰭
重游泳於溟渤豈有循吏得預詞林鼯鼠軒墀鷄鷓鐘
鼓徒驚獎飾益用慙惶况乎政術空虛褒述累積文高
日月辰象法之不逮德厚嵩華羣岳朝之莫階雖郭隗

濫觴明主有所蓄意然邵信敦本微臣不敢負人慶抃
則深憂懼亦切無所報國空以誓心不任感荷欣惕之
至

為李大夫謝恩表

肅宗

常袞

臣某言伏奉聖恩捨臣罪累復臣班榮承命驚慙戴恩
惶抃臣某誠歡誠懼頓首頓首伏惟乾元光天文武大
聖至德孝感皇帝陛下俯寬國法大庇宗枝兄抵憲章
已從輕典臣合緣坐又貸殊私雷霆解威日月迴照枯

木之上殘花忽開死灰之中餘燼再蕪曲成含育特荷
仁慈一門感恩萬死何効謹奉表陳謝以聞臣某誠歡
誠喜頓首頓首謹言

為張監謝天長節答賜表

玄宗

于邵

臣某言伏奉恩命賜臣若干物寵錫自天兢竦無地臣
某誠歡誠喜頓首頓首伏惟開元天地大寶聖文神武
應道皇帝陛下寶運應期金秋表節慶邁賡歌之曲歡
同率土之濱循之由衷無以展禮輒獻衣鏡式陳懇欵

不謂聖慈迴顧允納消涔宸光曲臨行及惠賜載驚載懼罔知攸處臣本愚直早荷延賞陛下念舊勲庸擢臣專典御府盡忠不足報德勞力豈曰幹時空勤日慎之心以副夙興之戒無任感戴屏營之至謹奉表陳謝以聞臣某誠歡誠喜頓首頓首謹言

為崔鄴公謝敕追赴京表

臣某言伏奉十二月日敕追赴京仍待史翻到即發恩私曲被喜賀無從臣某中謝臣聞至誠感神雖微必應

皇天鑒物無幽不通伏惟陛下道貫乾坤明懸日月千
年一聖四海在寧臣實何人時逢昌運近緣荆襄微擾
尚軫聖憂不以臣之非才特加節制持綱憲府曳履文
昌一日九遷頻頻忝竊常恐委身江外朝滄海而無因
豈意復命闕庭隨白雲而有望遙思捧日預想朝天臣
子之情倍萬恒品不勝

謝恩寫真表

臣某言今日日中使至伏奉聖慈特賜寫臣容貌綃圖

一本跪捧殊賜一作錫 兢拊交馳臣某中謝臣聞兩漢功

勲國朝將相咸傳風彩遂列丹青非為當代之榮亦欲
後來之識臣功無半古貌未出羣叨承明主之恩久冠
台司之首重蒙渥澤特降畫工神既盡傳照無遺寫從
衰朽之質別荷寵光分遭遇之形長含喜氣誠慙鎮俗
頗近恭人祇嚴如見於大賓拂飾信歸於天造驅馳聖
運撫躬未負於微誠唐突前賢顧影不無於愧色足以
流傳不朽舒卷無窮君父迴恩便是百身之報子孫為

寶知承一顧之榮無任兢荷屏營之至

為崔僕射謝恩賜表

代宗

臣某言某官某至伏奉敕書仍賜手詔并諸錫賚

一作錫

等宸聰睿眷一以及臣舉族同歡致身無據臣誠歡誠喜頓首頓首臣聞自古明哲之君以化天下也莫不乘時制變因弊立法既資國體亦在使人常準大端不失其道伏惟寶應元聖文武皇帝陛下隱旒思理宵衣布政臨萬物而含弘不測明四察而英斷非常去邪勿疑

則滌除汙俗渴賢致理則振拔時淹納強諫而如流行
沃心而不足微臣何幸屬會昌期今四罪咸伏八蠻慕
義祿有所及刑無所寃再鼓登聞申明理匭發令而雍
熙日洽推心而反側自安何負阻而不來何假威而不
敗太宗聖化復見於今文命賡歌詎慙希古日宣九德
千載難逢然則靡不有初前史攸誠知始知卒唯聖能
之今陛下發自宸衷懇懇詔命克念作聖期於必然無
任拜舞歡欣之至謹遣某官奉表陳賀以聞

謝恩表

代宗

韋元甫

臣某言中使楊華林至伏奉敕書慰臣及將士者祇奉
寵靈進退兢惕臣某中謝臣本書生素非公器恭守憲
令所期自勉揔司戎律實非所長頃者宣州用兵皆以
詔書從事但悉所管兵馬稟副元帥文符幸隨衆軍克
有成功皆王縉指蹤之力表修致命之功羣帥成之在
臣何有今又曲承霑澤特賜天書任重材微恩深効淺
拜舞之下戰汗無從不任歡喜踴躍之至

同前

臣某言中使鎮軍大將軍行左威衛大將楊宗敬至奉
敕宣慰臣等清問俯臨兢懼交集臣某中謝臣識非務
大才不逮人依日月之末光叨藩條之重寄臣之薄劣
實負寵榮頃年以來寇賊漸息時將休泰人自康寧臣
但布皇風恭行憲令待罪而已致理無聞曠官之責未
書偏照之榮已及再三循省何以克堪蹈舞徘徊唯增
戰越不任欣躍之至

為百官謝放朝表

臣某等言中書門下奉宣進旨緣天寒常參官放朝者
伏惟皇帝陛下憂勤致理惻隱無遺節應初寒仁深潤
下宵衣之際天意迫於周行挾纊之恩羣臣照於堯日
無任欣荷感銘之至

為京兆尹捉賊不獲謝恩表

臣某言臣七兄某頃於興平縣界遇賊劫死臣辱司京
尹職在肅清不能屏息姦回乃令害及骨肉既負曠官

之責仍積私門之恨此賊漏網臣亦何顏況以私讐上
貽聖德寬臣弛慢之罪哀臣死喪之威類降德音容臣
追捕又恐事端皆知巢穴緣是行營官健未敢懸有追
擒計會往來遂淹旬日以今月某日於某縣界捉獲所
射臣兄賊某軍行官某并同伴若干人此乃天意除害
轅門奉法不然則萑蒲之盜安得盡誅冥漠之魂猶將
永恨擒姦擿伏仰荷聖威雪憤申冤俯獲私願生死蒙
施無階上答無任

為京兆常尹謝許折糴表

劉禹錫

見集本

臣某言伏奉詔旨臣所請畿內折糴宜令度支計會定數奏來者天慈廣被人瘼是求臣某中謝臣自理京邑不先威刑惟務便安所期富庶每因賜對常奉德音府縣之間巨細令奏伏以聖明在上風雨應時順成之年穀糴常賤若無輕重之法必利兼并之家輒敢上聞請行折糴天光下燭幽隱無遺宣付所司允臣所奏事關理本惠及生靈臣忝尹京倍百欣荷

謝差中使送上表

臣某言中使吐突仕曉至奉宣聖旨慰諭并送臣至本任者深山遠郡忽降王人跪受恩榮仰瞻宸極伏以發自巴硤至于南荒陟水陸湍險之途當炎夏鬱蒸之候山川縈轉晨夜奔馳幸無他疾得至本管九重結戀遙傾捧日之心萬里獲安皆荷自天之祐無任

謝獎諭表

憲宗

馮審

臣某言今月日本道監軍使內侍省宮闈令劉某至伏

奉某月日敕書并賜臣手詔奉宣口敕特加獎諭將士
官吏百姓僧道等並蒙宣慰存問者王人旋鎮宸藻自
天敷德澤於藩維被恩波於動植爰及介冑逮於縉紳

祇

一作
榮

寵若驚交抃無措臣其中謝伏惟睿聖文武皇

帝陛下恭承寶圖奄宅區寓一物失所必軫於憂勤一
善可稱無忘於獎勗義深共理務在擇人昇平之運實
遇今日臣以儒流賤品生遇聖明雖力罄駑駘而効無
絲髮皇明鑒澈撫勞再三黎甿既荷於生成尸素稍寬

於罪責揣循涯分木石增慙又降殊私曲沾睿渥慰諭
之意稠疊於頌宣藻飾之榮昭彰於綸綍無微不至錄無
遠不該地里雖介於炎荒天威如在於咫尺所期俗阜
以洽邕熙

謝追赴闕庭表

憲宗

臣某言某月日度支急遞到伏奉某月日敕追臣赴闕
庭者鴻恩曲被宸翰忽臨來自天衷出於望表抃躍無
地光輝在身臣某中謝伏惟睿聖文武皇帝陛下以至

仁格物玄德統乾臣孤立愚直素空器藝朝無瓜葛之
援外絕朋黨之私以苦抱忠自托明代神理照鑒天聰
自仁遂忝再領近州一居方鎮前歲延英面辭之日親
受聖慈百身何荅三復在心銘肌鏤骨恐不負荷洎祇
思赴任陳力在公海隅黔黎日樂皇化至於軍州經諸
道往來但守官司不虞謗讟以丹心奉上仰恃宸威函
經二年首陟三載幸無罪戾皆荷生成陛下聖慈優柔
皇鑒明朗不遺一物信若四時果降中詔特令赴闕恩

崇感極義切戀深顧親族而生輝望雲霄而有喜以今
月五日發離本鎮尅期兼道計日趨程蒐馳軒階心注
晷刻朝天既近承雨露而增榮向闕匪遙望恩光而稱
慶

代李侍郎謝用內庫錢充軍資表

代宗

呂 溫

臣某言今月十三日面奉進旨其南郊賞設錢恐度支
支計闕少以庫內錢充者臣聞王者以四海為家君道

唯百姓與足象天平施而無別如地生財而不私薄奉
己而厚奉公重從人而輕從欲知則孔易行之惟艱曠
代莫聞今日斯遇伏惟皇帝陛下誕膺駿命富有萬邦
而能寶玄光慈儉之宗奉列聖憂勤之緒臣謬司禹貢
竊見堯心非戎祀之用無急宣非軌物之經無別獻土
木之功遂聞於廢息恩幸之賜殆絕于霑濡固已行路
謳吟縉紳抃歎者久矣伏以郊禋有日慶澤自天楚師
思挾纊之恩漢將望解衣之惠國存舊典事有恒規臣

在

集作
在臣

職司敢不供集陛下憐江淮甫罹旱暵一作念

庸蜀新罹大兵雖經費有餘而聖慮猶軫昨因伏奏親

奉德音悉擬出

集作
發

內府金錢御服繒綵約躬節用濟

一作
紆

國贍軍允叶師和克虔

一作
虔恭

祀事必知感神人之

德未酌獻而幽通動天地之誠先燎烟而上達百祥所

降萬福攸宜信可以光洽寰區曼掩圖篆家知自遂戶

識至公風人寢杼軸之詩黔首臻富庶之域微臣何幸

獲覩昇平至德難名載深感躍無任喜抃激切之至謹

奉表陳謝以聞

文苑英華卷五百九十